

校
經
廣
文

卷

校經廬文集卷第四

嘉興李富孫旣沓

雙谿歌

雙谿谿水東南來大盆之山縉雲嶺雙谿谿水西北流兩道
迴合通溟滓日夜奔趨勢不停琤淙但聽谿水聲官橋百丈
長更長併寫急灘怒難平谿邊煙柳澹暮春飛花如雨愁殺
人江山船女豔羅綺欵乃一曲波粼粼谿流入江江入海海
湧潮來江復匯惟有谿水去不回滔滔東流長千載

題吳

樹人

蕉梧讀書圖卽以送別

芙蓉山色繞春城郡舍煙花照眼明日日聽君雙屐到半簾

紅雨讀書聲

語谿舊舍傍谿居蕉雨梧煙屢簾初此日歸裝添長物一囊
綠綺一牀書

初夏晚霽

乍晴乍雨近黃梅山際浮煙向晚開試拓碧窗斜照裏環城
濃綠擁雲來

簡張別駕丈

淦

閩漲鯨波粵鬪蠻天狼兩地射弧彎上公兵帳橫刀指總制
邊營俗箬閉盾鼻墨磨揮似雨檄書管禿積如山功成不爲
封侯計豈必黃金繫肘還

遺榮早息溼陰機老去棲遲品望歸下澤共看揮羽扇踞鞍
尙想試弓衣邱園幣聘誰能致角里風流世亦希此日故山
堪穩臥閒吟常對白雲飛

金華試院自公堂後雙古柏和阮中丞夫子韵

試院本
宋乾道

時皇子魏
王愷故第

魏王節度開第宅自公堂構山之脊巋然屹峙如靈光堂後
鬱勃挺雙柏森森拔地上參天孤幹如鐵根如石一看直聳
撐青空一看橫絕皮裂坼崛奇各抱歲寒心共飽風霜吸精
液藤纏苔剝六百年長並芙蓉峰爭碧

城北三十里
有芙蓉山

不見六

陵已蒿蕪冬青枯死哭何益此柏幸與遺碑存

堂後壁間嵌
有南宋時六

碑
生氣足慰西臺客我來婺州歷春夏移籤逃暑似倦翻涼
颺颺爽不知炎間對斜陽拓金戟

題金秀才

元鈺

臥游圖

幾處名山上峰何人踏徧青芙蓉羨君日日掩關臥四壁

煙雲生萬重

君有臥游室

不須自蠟阮孚屐不用閒騎李白驢一日雲游幾千里身看
五嶽在蓬廬

曉起望北山

朝來入望鬱青蒼露出煙鬟試靚妝幾朵芙蓉新雨沐數峰
窈窕曉雲涼清霄瞥見衝孤鶴亂石能教走怪羊小拓北窗

飛舉滿日餐蛾綠忍飢腸

秋日同劉孝廉

嗣緒

羅明經

樞

吳上舍

錫麟

登明月樓

背郭仙壇一徑通天涯登眺感秋同林開屏障山三面翠掃
坡陀壤百弓澹蕩浮鷗煙水外往來閒鶴碧雲中絕憐此地
堪清賞相對松蘿倚晚風

秋穫田家雜詩四首

原野霜初零蕭蕭疏落木萬頃堆黃雲杭稻香已熟瓜蔓看
漸除場圃亦早築秋鴈應候來飛鳴繞我屋所願值西成其
飽豐年穀

雞鳴日始出朝霧正霏霏禾黍被隴畝鳥雀爭喧飛邨邨腰

鎌來香把露乍晞割破雲影亂空望煙景微夕陽澹欲暮荷
擔各言歸倘不事耕作今歲甯無饑

野望空雲水黍稌滿邨廬笑指困倉閒足以輸官租吾儕各
勤苦豈敢計妻孥但使稅有出不煩吏追呼或能儲升斗聊
供堂上需霜圃摘嫩綠用佐一日娛優游當歲晚歡樂已有
餘

秋場旣已登農務多閒暇屋角邨雞鳴古徑霜葉下鳩婦啄
殘莢稚子拾遺粃隔屋聞鄰春寒煙隱茅舍歡言洽比閭擊
鼓共飲蜡終歲長苦辛庶得相慰藉

不寐

汀上蕭條夢易回。秋窗一枕客愁催。漏聲漸永人無寐。燈影初殘蠟已灰。深院梧桐疑雨至。涼天鴻雁帶雲來。擁衾暗數拋鄉日。負卻黃花幾度開。

題劉孝廉

嗣綰

詩卷後

長空高浪蹴連天。手掣鯨魚舌吐蓮。贏得玲瓏冰雪卷。亦真昌谷亦坡仙。

行歌痛哭劇低回。不合江南老此才。把向洞天天盡處。三山風雨忽飛來。

武義鹿田塢王明經

維孫

所居阮中丞夫子題爲福庭

文固賦贈

仙嶺高逕迤靈氣厚凝紫微探洞元丹書闡奧府七映傳
金眞綠字疑响嶺維茲巖壑奇雲霞互吞吐誰從赤松游行
與初平伍深遠靜塵囂泊焉契曠宇高敞緬平原鹿田剩舊
塢濃翠環林巒飛泉夏瓊瑪延綠愜素懷竚窳通洞戶一椽
依靜虛數晦闕榛楛刈楚織煙屏引荔成華堵祕笈滿琳瑯
芸籤富圖譜朝夕肆冥按修綆資汲古琴絲理性情圭璋藉
藻斧粹然氣冲恬藹若春和煦履道葆吾眞優游此懸圃

冬日曉望

郡閣凌虛福地通四圍煙景曉濛濛寒山遠繞孤城外廢塢
空撐古寺中水淨鷗沙隨上下雲開雁路各西東天涯迢遞

增惆悵無限霜林映冷楓

桐廬道中

桐君如識我相對卻無言
挂席隨江水沿灘送海門
漁人多傍郭野店自成邨
細雨孤篷外煙蘿少俗喧

谿上

一江飄泊長離憂底事頻年賦
遠游棘軸豨膏難盡轉鼠肝
蟲臂尙奚求時辜虞蓼渾忘苦
聞縛陵若爲掃愁偶向谿頭
重眺望也應汗漫羨沙鷗

舟夜聞歸雁

柔榜嘔啞聽未真
春來風雪滿江濱
如何鴻雁都歸去
翻作

天涯客路人

婺州偶然作

惜春長自拓雲寮繞郭芙蓉聳碧霄
舊夢渾如繞過雁新愁
還似欲抽蕉谿聲雨後忙
尤劇烏語花前暖更嬌
行訪初平
牧牛處金光瑤草拾巖椒

上巳日嚴太守

榮

沈編修

維嶠

劉孝廉

嗣紹

席孝廉
珍

吳上舍

錫麟

周秀才

家駒

孔秀才

傳經

同集明月樓禊

飲二首

客裏春光已半過
恰逢佳節感懷多人悶
谿櫂追觴詠

適太

劉孝廉欲往

樓瞰江城繞
薜蘿嫩綠幾重添
翠幄濃青四面

蘭谿不果

擁煙螺眼前不讓蘭亭景暢敘猶能繼永和

遠望雙谿漲十分相期禊飲絕塵氛天涯會合眞非偶江左
風流自不羣上口鶯花當勝地一時尊酒到斜曛故園有思
知腰瘦時沈傷修將歸禾中悵拂涼颺卷溼雲

得家書有感

鞦韆無可訴旅客常醒舊境過如雨浮生飄若萍高堂遠
夢寐病婦想伶俜只少五湖宅攜鋤抱一經

兩坐周秀才家駒同賦

已分鄉園十載拋天涯誰共話知交笑看班固酬寶戲解異
揚雄任容朝對弈偶然臨劫局磨錢枉自費占爻春來不飲

常如醉愁絕山窗雨易敲

夏日同劉孝廉

爾維

何廣文

綸錦

吳上舍

錫麟

東瀉貽

看荷花至金仁山先生祠用昌黎山石詩韵

濯枝雨過晨曦微遠望一抹晴霞飛復輿幾兩出郊郭水田
潑翠新苗肥湖陂半頃渺無際數家茅屋籬落稀綠雲片片
吹不起蠟鳴隄柳渾忘飢荷花萬柄濛空淥溼銀倒卷搖林
屏古祠高敞面曠爽芙蓉環碧煙霏登樓憑檻豁心目松
杉清蔭周四圍白鷺幾點衝波影冉冉香氣飄入衣相邀挈
楫此逃暑有若籠馬脫金鞿狂歌醉向白雲臥醒來亟趁涼

聽歸

早秋夜坐

披襟當靜夜涼意滿庭中
城挂雙谿月樓殘一笛風
暗牆吟蟋蟀閑砌落梧桐
一片秋如此蕭森萬籟空

曉發蘭谿晚過七里灘作

曉發蘭江驛沿流下急湍
西風一颿力薄暝子陵灘
纖月影初落秋蟲聲未殘
四山俱已黑惟見釣魚竿

夜過嚴瀨泊瀧口

水勢趨瀧急孤篷向晚行
半山煙月墮夾岸艸蟲鳴
籬舍人俱靜漁船火獨明
客眠長不穩一夜落灘聲

杭州靈隱書藏紀事

阮中丞夫
子有記

典籍滂古初石室稱名舊老聃職守藏柱下傳世宙墳索述
春秋秦燔自速寇漢興詔求書除律非因陋天祿泊石渠東
觀相先後剽散綜七略蘭臺得再覲阮荀續簿錄圖史積縑
籀逮至隋唐來梵書紛襍粦珍羅一切經寶藏事彪鏤自茲
釋道家無不矜師授開元實權輿法苑日叢湊何爲獨吾儒
散佚懷慚疚右文仰

盛朝四庫收儲富淵海標琳琅縹緗映辰宿海內蔚人才著
作更輻輳大興翁學士堂堂爲領襲金石嗜博奇文章屏藻
繡巋然魯靈光鉅製並爭購遠慕香山翁一編置靈鷲庶幾
與湖山煒煜常耀秀惟我中丞公游息六藝固學繼咎繇粹

助兼吉甫懋慨念前哲言感茲名山副卽彼雲林寺清涼傍
瑤岫紺宇鬱崔巍佛閣敞宏構四照花初開掩映明靜晝次
第排香廚芸艸麗華茂旣以牙籤分莫使珊瑚網嘉名榜書
藏崇儒意良厚照耀金碧光鼎立功斯就河嶽多英靈價貴
雞林售四部廣投羅一時借馳驟錄之簡策先印以銅章又
或有懷餅客亦許來孳究錦函披璘璣光芒驚怪獸常見朝
霞暉得藉法雲覆嗚呼聚無恆闕失資補救東望宛委山精
氣閎巖竇雲笈時騰采疇與共呵祐知應煩龍威永令千載
壽

暮冬繼觀察

昌

署齋忽開綠菊率賦

官閣梅花放幾枝，綠雲忽漫護東籬。碧痕吐豔，經霜冷黛色。
凝香冒雪遲，翡翠定來尋。瘦影醪醕初泛，映寒姿。延齡別擅
神仙種，好對南山介雅時。時月正值
太夫人壽

春夜同劉孝廉嗣籍登載詠樓

天涯聚散感無端，旅話心情共倚闌。地爲近山風力勁，樓因
當月夜光寒。數聲畫角城初靜，幾曲梅花笛已殘。休歎江湖
終落拓，客懷相對一分寬。

偶感

貧居無負郭，局促柰愁何。敢憚星霜苦，憑消歲月多。他鄉驚
夢寐，久客厭風波。欲撲征塵袂，重教問薜蘿。

吳明府 文照 之任新興過婺州卽和畱別韻送之

雪鴻相印了無痕
猶憶尊前笑語溫
偶向衙齋聯舊榻
閒搗吟屐訪仙源
風生代馬征塵遠
春到谿船淥漲渾
媿我天涯仍滯迹
一燈重對話黃昏

朔南遠隔幾經年
乘障如君吏亦仙
瘴嶺雲深濃似墨
春江水暖澹於煙
到來尙想鳴琴暇
吟後應添敲荔編
他日羅浮尋勝景
梅花香裏說塵緣

月夜

江月明如此
誰家弄笛聲
披帷涼露入
倚榻短鐙清
千里人相隔
三更夢易驚
春宵愁不寐
旅客若爲情

綠陰

春風乍過意相關。門巷愔愔，眾綠環濃。繞一邨。疑礙笠肥添。
萬樹欲遮山。小園花落人初靜。三徑雲深，鳥自閑。幾曲闌干。
憑倚徧。漫天飛絮動愁顏。
吹盡殘紅。又一年濛濛翠幄，四垂圓。深林曉黯，迷樵徑，別岸
涼多。隱釣船倒影，重添谿水碧。嫩晴遠鎖寺門煙。卷簾永晝。
渾無事，彈罷焦琴好與眠。

秋夜

客夜蕭條靜不眠。感秋最是晚涼天。梧添爽意鳴窗外，雁帶
愁聲到枕邊。有夢難憑，惟一榻無因，得佳又三年。孤城漸曉。

哀砧急幾處 征人爲愴然

西湖萬樓對雨和沈秀才

爾振

煙色澹無際 湖開浮曉光
山痕帶雨溼 雲影度谿忙
蕭颯秋氣空 濛濛增晚涼
十年鷗夢醒 舊事感茫茫

曉過桐江

日出曉煙散 推篷漉塵襟
野寺露山頂 風帆影江心
白鷺明遠岸 寒蟬咽秋林
感茲桐君意 往來伴我吟

建德道中

停橈昨上子陵臺 雲霧漫山曉不開
江影一帆紅葉雨 隔船聲聽賣魚來

題家徵君

穀

肄書圖用東坡和子由論書韵

墨妙盛流傳學書甯誤我鍾王已云遙筆法誰印可縱橫惟
任意不問員與橢天矯天門龍豈僅詡曼娜吾家有徵君研
糜志亦頗或恐戶限穿將用鐵葉裹心正筆迺端茲論非少
麼平生勁骨完握管力能荷譬射須審已始不虛發筈君言
亦謂然愛寫練裙夥我最不曉書臨池復患惰斂手笑蘊芽
塗紙盡偏跛羨君明窗牖揮灑獨駛駮枯樹擅河南持此資

證左

武林道中遇雪

不信春風至江南雪尙多半山雲壓樹一棹水增波冷磔梅

花晚寒添雁影過息機會幾日行者動勞歌

過爛谿

谿水初消凍鷗邊夢欲醒野梅香雪岸春艸綠莎汀下若須
沾醉前邨暫喚停推蓬一眺望七十二峰青

清微道院作

金闕自曾說繁華近郭仙壇靜不譁幾度碧簫空鎖翠何年
丹井暖浮沙古松欹院濤聲卷獨鶴歸林日影斜誰識元都
傳宋代蘇碑畱壁試摩挲

崑山葉氏半菴園今已屬新陽邑廟頗饒園林之勝春
日過此感賦

玉峰勝處足畱連，郭名園自管傳，尙想風流盛，吟讌先徵
與九來先生交最契，時鵲詠於此，何時管領付香煙，谿山宛似饒真意，花木
猶存記往年，剩有舊題知半繭，奈尋裙屐已茫然。

重游玉山

名山變僻如高人，往往不肯入城市，雲巒煙嶂各爭奇，何有
喧囂驚鶴起，茲山縹緲空際浮，環郭連延不數里，母乃崛強
受牢籠，翠鬟愁墮埃塵裏，前年到值重九時，木葉乍脫林皋
飛攀躋，不憚筇竹瘦，煙靄片片吹人衣，盤陀石徑問蕭寺，一
搶絕頂明朝曦，風帆歷亂女牆外，霜稻翻舞黃千陂，秋雲飄
瞥不成詠，陟巘難免山靈嗤，今我重來春未半，捫蘿直上與

猶健丹崖翠壁應亦憐靚妝窈窕畱清盼松門迤邐恣搜奇
黛髻依依皆堪戀霽色乍開露晴峰似逢好友重識面載叩
僧扉禮佛龕恰有幽禽知相喚但惜峭寒花信遲柳梅尙未
舒芳甸俯仰暗自笑塵襟車楫年來筋力倦何當訪得舊艸
堂

謂顧仲瑛
玉山艸堂

繼跡漢賢游賞徧撫懷今古感滄桑不覺登臨

發三歎

過三友園舊址

園在馬鞍山
下今亦廢

馬鞍山勢切城西三友名園舊日題占得林亭稱社隱閒來
裙屐足巖棲雲鬢窈窕如窺戶煙樹蒙籠不隔谿追憶風流

尋薛壁

先徵士公有三
友園題壁詩

綠蕪一片亂鶯鳴

吳江曉發午後抵杉青閘口

昨宵泊江城黑雲莽林樾被宿孤蓬客心愁縈鬱夜半聽
雞鳴荒郊澹煙月須臾天欲曉擊鼓渡頭發十幅展蒲輕乘
風快駛疾春隄少暄妍寒氣猶凜冽朔颼益迅厲中懷爲惴
慄四顧語長年恃滿恆易失不見昨覆舟飽挂致傾沒昨日
橋所見遲速亦何常要使免驚怖澎湃入測塘朝飯柁樓畢瞬
息指秀州波岸杉青閣落帆日過午鄉思頓披豁物理有固
然持盈可保闕

閩上已同周秀才家駒游湖上

出郭沿隄喚畫輪重教觴詠此佳辰游絲落絮猶多闌采芡

校經廡文集卷第五

嘉興李富孫既訪

襍詠

良玉世所寶山川見精神惟當韞於石砥礪亂其真剖之得
奇質輝光耀星辰重爲圭璋器甯慮埋風塵但愁識者希或
徒貴琳琅藏匱以待賈善自韜璘彬顯晦本有時什襲宜懷
珍和氏嗟已躁安思急獻陳衍鬻竟遭刖抱此悲泣頻不知
完太璞庶能保吾身

燕昭市駿骨本欲致千里應圖從西來毋乃騏驥是意態實
權奇迥立長風起騰驤汗血流馳驅信可恃奈何服鹽車執

策隨所使磊落氣不伸伏櫪常俯視駕駘本劣材誰重爲駮
駟居然削上駟任駕輒覆軌良蹇旣昧真驂駟辱泥滓抱此
英雄姿哀鳴亦徒爾嗟無九方歎羈羈老欲死

園中有桐樹百尺生朝陽萋鬱彌望結實含芬芳秋風乍
披拂翾翾鳴鳳皇德輝一照耀衆鳥無文章孤榦映苞采奇
律諧歸昌嗟彼燕雀微徒知處華堂啁啾弄細響豈虞傾圮
傷俯仰不自保曷弗瞻高岡我欲采孫枝斲琴叶笙簧試奏
簫韶曲來儀舞蹀躞

松柏生巖阿蔥蘢共林樾當遇陽和時草木競榮發亭亭誰
春姿亦無異凡質迨至歲旣寒百卉皆凋歇顧此獨後凋生

意常鬱勃終始葆堅貞大造特回幹閱歷勁風霜盤錯見奇
節俛仰思立身本實豈容撥華悴憑物理推遷任歲月莫爭
衆彙芳搖落愁飄忽

端居澹塵慮雅懷託園林解后得知已聊試囊中琴撫軫瑩
白玉理微燦黃金高情寄一曲逸響澄幽陰泠泠山水趣靜
視雲木深天宇仰空曠寂感萬籟吟松風偶披拂翛然滌煩
襟殷勤與往復蘭芬契愔愔欲諧箏琶耳難爲太古音鍾期
今云逝絃絕悲我心

寒夜

冷室孤燈意轉淒宵分不寐聽雅嘯可憐木葉都飛盡月白

霜天何處棲

重經溧陽訪陳明府

鴻壽

一棹瀨江上春風幾載餘孤城通水次舊驛傍邨墟拜石題

應徧

城多奇石君出示蒼雲諸石畫冊

尋碑願不虛

縣有漢校官碑

鳴琴多美政雅

興復何如

宿秣陵關

身世浮飄類絮蓬一絲鞭影轉匆匆壯游已悔功名薄逆旅
難言意氣雄朝起問程宵問秣陸行愁雨水愁風秣陵關畔
多新柳似笑征衣染軟紅

訪繼觀察金陵官舍賦贈

自古金陵佳麗同江城小隊避青驄地誇龍虎原來壯山比
東南分外雄旌節十州勞轉粟舳舻三載帶征鴻六朝勝蹟
題多徧無限樓臺夕照紅

鍾山懷古

金陵王氣東南浮祖龍鑿破秦淮流茲山綿亘寶雄鎮盤旋
勢欲吞荊州紫髯割據創霸業設守能敵曹與劉誰誇形勝
限南北多少興廢煙雲愁我今策蹇佳麗地上躡屣屨增壯
思石頭虎踞更崛奇衆山環削爭蒼翠俯瞰大江岷峨來東
趨萬里波濤沸天風吹袂凌高岡攀蘿縱目心茫茫巖扃難
問招隱館何況舊寺尋草堂蔣侯遺廟畱雲麓春秋尙爾傳

烝嘗江山終古長不改存亡閱歷幾千載建康自晉帝王都
須臾事業付滄海三塗四嶽本難憑一朝失險立可待回首
峩巖落照殘蕭蕭但有蒼松在

泛舟秦淮

繞城一曲板橋東滑笏波流暖正融夾岸珠簾明曉浪高樓
玉笛怨春風玲瓏歌舞當窗見繚亂煙花隔院通千古南朝
嗚咽水傷心多在綺羅中

呈制府方公

維甸

時告養居金陵

曩時橐筆步樞垣持節旬宣重外藩韓相軍威三輔震裴公
勛望八閩尊容儀早上凌煙閣色笑還依獨樂園猶得座幃

邀暫駐之江喜見開龍門

恪敏公薦舉詞科
公索覽鶴徵錄

勲名早著百僚端
述職陳情鑒寸丹
兩世欣逢榮節鉞
三朝眞見舊衣冠
平泉歲月循陔暖
綠野鶯花舞綵歡
最是江山佳麗處
潘輿長奉起居安

秣陵寒食對雨

客到清明魂易銷
白門風雨太瀟瀟
卽今歌管都零落
誰問當年舊板橋

重過越州

一櫂剡谿水重經
又十年人家芳草岸
山郭夕陽天雨過
花初落風來絮欲顛
多慚浣紗女笑我尙依然

歸舟過姚江

曉雨溼蓬背晚來江上晴
雲開山盡露潮落水初平
牛帶斜陽影蛙添遠岸聲
明當重喚渡好向越中行

夏日閒居作

綠樹環幽谿濃陰藹清晝
炎曦尙未驕樂此溫煦候
霽宇澄埃氛新翠沐遙岫
早荷漸抽葩芳蘭競吐秀
薰風夏修篁鏘琚諧節奏
扶杖侍惟顏觚爵奉介壽
一庭情悅怡景物借暢茂
僂指賦遠游緇塵污鷲嶺
十載江湖間暫得憇巖寶
俛仰境寬閒脫鞅免奔驟
暇豫理殘編消息參爻繇
結夏堪林扉詠懷屏藻繡
朝夕儻無謀永言甘巷陋

題鍾秀才山窗讀書圖冊

之子耽幽僻言尋舊薜蘿
閉門風雨暗懷古性情多
嵐氣橫林岫泉聲落
欄阿相期一茅屋把卷意如何

舟過富春晚晴

朝雨愁添水驛長富春山色鬱蒼茫
百年城郭臨江闊千古波濤入海忙
傍岸蘆花初作絮隔林楓葉未經霜
晚來恰喜逢晴霽好挂風帆送夕陽

夜過富春二十里

竝月照江頭蒼茫記昔游
重來富春清言著做羊裘煙水前
邨火風霜獨客舟聽潮眠未穩
遙夜不勝愁

過釣臺

挂颿風不定，冒雨過瀧灘。
人往如流水，名畱祇釣竿。
兩山空削壁，七里險成灘。
仰企高蹤在，蕭蕭古柏寒。

舟發蘭谿大風

今日北風厲，難爲江上行。
孤蓬隨浪湧，客路慣心驚。
山氣濃蒸霧，灘流怒作聲。
橘林霜正熟，轉舵問前程。

三衢舟中新霽

連日東風作意狂，朝來蓬底逗晴光。
江雲蒼莽還山嬾，谿水騰跳下瀨忙。
兩岸楓林霜正冷，一邨茅舍酒初香。
試看野碓春秔滑，趁好齊登碌碡場。

泊三衢郭外

欲上須江換小舟夜來月黑泊灘頭愁他歲暮多風雪又向
天涯作遠游

須江道中遇雪

寒風獵獵枯樹鳴江頭夜泊樽凝冷篷背浙漚微有聲襍被
孤燈餘殘影朝來一望天模糊紛紛急灑迷峰嶺四野瀰漫
雲氣濃空中搏撒勢更猛灘邊凍鳥畏不飛撐出漁蓑帶笠
簪司令尙值元冥初胡爲滕六早馳騁芙蓉萎落多離披鴻
雁哀號生虛警嗟我歲晚挂征帆身世真如隨萍梗甯知雨
雪復載塗衣衾似鐵語地哽篙工指墮俚瓦爐黃帽故斜但

縮頸前邨丞使沽松醪共煖腹臍解淒耿遙聽孤城暮角催
須臾月吐谿山靜

三衢始發

歲晚添愁思寒雲聽曉鴻來從千里道歸趁一帆風江水連
天白霜林帶橘紅誰知勞者苦雨雪冷孤蓬

蘭江舟中

一颿來往記吾曾暗數歸程思倍增歲暮關山徒恁憇愁多
夢寐半嘗騰江邊鴻雁灘邊雪篷背風霜船背冰到得谿頭
梅欲放趨庭問話客游能

家大人養客
三衢最久

洞庭東山作

曾向冰壺訪洞天
芭鞵竹杖躡雲顛
片帆又入煙霞窟
笑結神仙未了緣

金庭一徑白雲封
滿地瑤花著雨濃
七十二峰都好
在須教踏徧翠芙蓉

礪戶巖窗位置宜
門前一頃碧玻璃
頻年多住仙人宅
塵土何由得再緇

山中春眺

碧桃紅幾樹
一片采霞飛
曲徑紛瑤草
深林鎖石扉
雲開孤鶴下
日落暮樵歸
古洞藏書在
流觀識化機

上巳日諸子集護壽堂禊飲余以事不至分賦得品字

韶景藹芳園料峭寒猶際春暮風雨淒花落谿水淙澹沱惜
茲晨物華驚苒苒采蘭傳舊俗臨流共褰袪主人擅騷雅媿
吟風所稟選勝羅清尊庭卉爛若錦朋儕盛觴詠襖帖迭評
品擊鉢催新詩素爾揮墨瀟幽情愜故歡甯讓蓬池飲緊余
掉塵鞅每辜佳節甚鬪酒遜籍伶拈韻愧任沈儻復與斯會
罰觥深可憫

春暮

山中剩得幾分春轉眼風光又一巡語燕舞翻尋舊壘亂鶯
嗁破撩愁人湖邊芳草多成夢洞口桃花少問津惆悵天涯
易遲暮那堪回首話前塵

山行

短袂緇塵澣得無探幽偶偕一筇扶雲深芝塢煙花繞日暖
瓊田藥草腴澗戶霞飛樵上下洞門翠鎖路盤紆暇時更擬
尋林屋莫使仙靈笑客道

眺望東西兩山歌

湖波卷起煙冥冥中流聳峙浮蒼青晴瀾泱泱光晶熒恍似
壺嶠湧滄溟羣仙升降乘玉駟天與福地環金庭日暖不道
乖龍醒愛踏濃翠窺山靈手持叩竹指巖屏白雲爲我開瑤
扃東峰秀削高岭嵒亂澗寫碧泉泠泠西峰縹緲煙嵐停古
洞傳有神禹經雙鬟相對爭娉婷下來笙鶴鳴瓏玲其餘衆

岫羅華星無俟疏鑿煩五丁石髓迸出瓊漿零琳華芝草含
芬馨人家種橘連畦町深林啞虎潛遁形彩霞片片飛遙汀
松風爽籟聲堪聽偶攜藥劔刷芳苓欲訪丹竈延長齡行當
縛箇香茅亭恣意尋讀元卿銘

月夜

幾日東風絮作顛山中乍見月華圓半窗涼影花初落一榻
清光客未眠雲插兩峰青不斷波澄萬頃白無邊數聲吹徹
南樓笛鶴夢驚殘何處煙

六月初旬補梅雨薄寒中人率占二絕句

重作黃梅雨浹旬江南一帶水田勻怪他六月寒猶甚閒殺

樓頭紈扇人

連日濃雲挾雨飛薄寒猶未試絺衣
瀟瀟綠樹煙邨外幾處
青蓑帶犢歸

題家徵君

穀

吟藁後卽以寄懷

谿畔梅花共舊廬星分兩散感居諸
莫因慷慨頻投筆正藉
窮愁好著書仗劍功名原已薄
乘縵心事轉多虛他鄉定各
增離緒一卷沈吟意有餘

悼亾絕句

嫁得黔婁悔未曾依然荆布忍貧能
紡甌幾見閒拋卻伴讀
殘書半夜燈

少時意氣尙稱豪不那凌風鍛羽毛愧殺梁鴻偏負庶空教
眉案注離騷

故園欲住計良難一櫂西湖影獨單每到將離腸百轉淚垂
衫袖幾曾乾

牛衣相對亦緣慳負米情殷別故關疇料生涯終落託刀頭
日念藁砧山

蚤知病已入膏肓鬱結中懷黯自傷聞怨聞愁都似夢更無
一語話尋常

十載江湖願已違他鄉漫許賦當歸一時冷煖誰調護祇苦
風塵淚滿衣

貧賤由來百事哀，今朝無計慰泉臺。
欲期營奠營齋日，惆悵
霜華兩鬢催。

卅年在苒半辛勤，錦瑟淒涼感不無。
今日重扉常晝掩，葳蕤
鎖盡綠煙蕪。

姑蘇懷古

夫椒已報舊讐忘，爭霸黃池志漸荒。
越國綺羅酣永夜，吳宮
花草鬪斜陽。
當時臺鹿春先冷，終古胥濤恨更長。
惟有金閶
亭畔柳年年學舞，任顛狂。

同張明經

鑑

潘孝廉

會沂

過查氏園

舊爲明王侍御拙政園

相攜勝侶訪名園，恰值東風景色暄。
春水一池添漲暖，梅花

幾樹著枝繁石橋蘚磴通幽徑煙榭雲樓見遠邨不道冶游
佳麗地山林真趣畫圖存

明文待詔繪
有拙政園圖

贈吳上舍卽題其杏花春雨圖

二分春色到花梢紅雨初番燕影交最是水邨山郭外酒旗

斜颺駐吟鞘

谿上詩傳幾派存聽鴻酬倡試重論

君外祖鄭萼樓文學配
道嫺夫人有聽鴻樓詩

藁多倡和之作而今騷雅風流渺贏得中郎有外孫

游滄浪亭

吳地盛繁華蹴躡塵土洩不意城東開畱舊池館際茲春
日和韶景猶未晚扶筇度谿橋疏籬繞畦曠林木相蔽虧澄

川渺迤瀕一徑歷坡陀崇阜疊翠巘怪石立空嵌煙靄氣暄
暖委折循北碣孤亭俯蹇嶮雉堞環層樓綠疇晒平行坐覺
軒窗幽靜聽嘯鳥緩石枰今何存榛蕪空盡翦緬咎錢王時
勝槩傳城畹後來章蔡徒亦曾得息偃俯仰千載餘三事知
者孳惟有蘇長史放廢甘遐邈價酬四萬錢林泉任蕭散謠
詠本無傷遺構名益顯高風洵可懷芳躅悵已遠誰爲鶯花
主徒使麋鹿踐夢想問南園甯惜屐齒損水竹共因依閱歷
幾霜燹祠宇空裏回階砌夕陽滿重唱濯纓歌曠世感非淺

姑蘇冶游絕句

蘇臺垂柳不勝春陌上千條意態新最好風前披拂處絲絲

盡學舞腰人

荒煙一片舊吳宮
百轉鶯鶯恨落紅
猶有羅裙芳草色
青青不見舞春風

金閨曾說簪繁華
一路香塵滿鈿車
笑看酒樓歌舞處
蕩湖艇子泊誰家

盡日東風作意吹
山塘花暖柳絲垂
衣香人影忙如織
聯袂都來短簿祠

暢好春陽澹泞天
虎邱山畔寺門前
游人愛踏真娘墓
草盡紅心冷暮煙

八門煙景舊愁多
六十坊中豔綺羅
好是春風團扇底
爭傳

白紵唱吳歌

城隅仙觀早春開
多少香車逐隊來
一炷眞檀度禮後
心期暗祝被人猜

橋跨通波春水流
白公祠畔泛輕舟
年年社日笙歌鬧
愛說當時刺史游

唱徹烏棲罷舞觴
春風相憶芡蘿香
至今學得西施樣
猶是輕盈鬪曉妝

春城襪豔萬枝嬌
無賴飛花帶笛飄
禁得吳娘歌一曲
愁聽暮雨正瀟瀟

和酬伯兄夏夜感懷用初白翁詩原韻

卅載羈棲客相思祇有君自傷飛鳥獨誰見舊袍分浪迹輕
於絮浮名澹若雲升沈應早定不用問義墳孔安國書序以
義畫與炎黃書

爲三墳

寥落誰知已閒窗對竹君眼從青白異心任冷炎分禰不逢
文舉桓能識子雲笑他叢桂落何必到秋墳

舟泊京口驛

西望岷峨萬里流茫茫京口泊孤舟勢連吳楚傳雄鎮派接
荆湘沂上游天塹休誇南北限江濤不盡古今愁前朝舊事
隨煙水祇有金焦兩點浮

石頭城

策憑褒貶鴻猷協贊襄卿雲三殿覆霖雨萬民望子舍陳情
切笙陔荷 寵長椿軒歡侍好鳩杖健扶將出入輝相映雍
容貴自忘白華應愈茂青鬢幾曾蒼緩帶承顏樂趨庭介福
穰劉樊偕閨宴角綺萃珂鄉衍冊春回暖縣弧律轉陽梅花
思舊詠柏葉照濃光正喜萊添綵還看笏滿牀沙隄滋沆瀣
珠樹藹琳瑯錦第椒宐頌台階鶴並翔景呈旗翼爛慶叶甫
申祥五嶽圖皆獻羣仙曲未央軒車來雜逕貂珥削輝煌綠
野多桃李平泉祝阜岡幸隨賓從未鞠歷進椒觴

校經廣文彙卷五

校經風文集卷第六

嘉興李富孫既訪

春日訪黃大令韻留飲話舊別後以詩見寄卽依韻酬之

別離曾幾載，悵望故人疏。偶見飛鳧鳥，翻思釣魚傍。城通淥水溝，艇問雲廬挹。袂重傾倒殷，勤話有餘。

掃徑羅尊酒，春風款客情。感懷傷舊侶，有感沈氏秋塘諸昆季涉世累。

浮名境僻塵難擾，帆收浪不驚。留連忘日暮，歸路聽呢鶯。

春晚遣懷

曉陌齊看長綠莎，八門景色近如何。春風幾度閒花柳，苦雨

連宵夢薜蘿山寺煙霞人散襍酒樓絲管內聲多任他飛絮
顛狂甚嬾向蘇臺問踏歌

感舊仿少陵八哀作

襁褓造

御榻佩囊

親解賜本是雛鳳姿知爲廊廟器

追游制府公勛業炳奕世節鉞重家聲章李洵克嗣我公秉
圭璋繼美自無媿楫廷效贊義旬宜展經濟開府靖三秦總
制海邦艾陳情乞謝墩循咳雲壑媚平泉淑景暄長喜板輿
侍 詔徵商遠迎眷戀難易志賤子游白門殷勤懷高誼春
風煦陽和草木無蕉萃念公爲蒼生霖雨朔南暨何期毀瘠
餘一朝大星墜柱石驚俄摧共墮峴碑淚惻愴眇鍾山齋鏡

動哀思

桐城方勤
襄公維甸

浙水名郡守自晉稱三賢流風數百載維公堪比肩嘉禾移
使節利病燭所先素蘊開濟略治術無頗偏厲學崇膠序滄
淤通蓄宣保赤念康誥輯乘補舊編平津啟高館吐握彌倦
倦獎拔及寒峻扶植鬱梓梗兩岐瑞麥秀

海鹽麥
秀兩岐棠樹嘉蔭

連署有嘉

蔭軒

文化媲蜀郡

璽書增穎川遮道臥車轍攀轅不

得前黔滇溥閭憚頓使煩奇獨行部時露冕歡呼夾旌旗秩
重太常禮夙夜思無愆懸車憩綠野優暇娛林泉雙鳳揚苞
彩樂此歲月懸一旦騎箕尾中外心愴然焦桐感爨下啜咽

腸回煎還邈頌遺愛睽言涕潸浚

長白閣學
伊公湯安

良吏久不作生民憂塗炭公本儒雅林出宰法清獻守潔厲
冰操廉聲徹宵旰特達結主知敷厯資屏翰棟材方

大用爲國之楨榦含沙工射人乘閒肆毒恨媒孽共誣鱗清
濟使濁亂銜冤痛覆盆捐軀衆憤嘆帝命重平反犀照

窮姦幻一朝真妄明撥霧見星漢魑魅難潛形荒裔亟流竄
上以明典刑下以愜輿論遺愛徧南閩崇祠光炳煥是非直
道存庶足動懲勸白璧涅不緇精華長瑩燦蘭艾甯同裁薰
蕕各區判國家失賢臣泊化誰宜贊嗟彼共謹輩千載罪

難道況在彭戴流能無增悲惋

嘉定方伯李公贊云

青蓋少負譽游岸尙非角奮翮凌霄衝翔舞鳴青鶴雍容冠

南宮臚傳繼前躅載筆趨鑾坡讀書欣蓬岳畫省辭仙班視
草重樞幄遠望指星軺妙採荆藍璞良質思淬磨異材多挺
擢屏翰涖大邦來宣惠澤渥開府展宏猷濟時如運握南土
被淳仁俗化敦愿樸繁余策柴車京華苦齷齪索米恆不易
相邀賴被濯藤花滿軒窗談塵許共捉頓忘緇塵襟轉愧燕
石琢殷勤還繫維自顧傷蹇剋迢遞瞻雲鴻情深遠夢覺撫
琴感子期慨嘆高風邈篋中檢貽函流涕再三復同里中丞
錢公楷
先世結襟契同心重蘭言樹臣少司寇與先高祖
交契結詩社有蘭言集繼踵聯夙
好道誼人所尊曩謁侍御公各溯家淵源季也洵雅雅才美
媿玉冕早削金闈彥石渠共討論掄材滇雲遠異采羅瑤琨

交游盛京洛冠蓋日盈門一時爭傾倒不厭車馬喧
瞻念南陔養怡怡叶簾塤林泉娛顏色朝夕依郊園嗜古搜祕帙鉛
槧何紛繁仁心溥利濟愛物舉推恩緬企太邱廣被拂春風
暄弱翰藉振刷務使高騰鸞憶昔親警效勤懇情彌敦
意氣相披豁獎掖語笑溫至今感將臨後每矢弗諼莫經西州路
增慟華屋不第

漢世傳相漢書一經相漢書父子名績隆我朝

瞻海岱獨拙文五公一德勉始終明良追往古
遠與皋稷同惟師習家業綽有祖父風立朝秉勳直智筆玉
堂中輜軒泄浙水藻鑑仰明廷小子本薄植猥荷收樂籠苦

蘇屬陶冶砭砭愧磨礪終然嘆瓠落辜此栽培功使節欣再
至沙磧淘汰融春風被江左小草皆蔥龍入 命典禁旅聽
履想銅錮端嚴莫可犯心氣太虛虛敢言彌謇鄂誠信孚

聖衷方期位宰輔密勿繼前蹤柰遽騎箕尾震悼動

帝容四海失想望下士痛填胸 褒卹膺異數足以厲羣工

庶幾得濟美用答酬嘉庸

諸城劉文
恭公鑲之

久雨

何時一夜月離畢東風作猶經三旬浮雲漫天半昏黑絲雨
斷續連宵晨羲和有頃欲曜景仍復陰霧霾車輪殘花零落
菸無色陂塘厭聽蛙聲頻麥蘗豆爛收不得飼蠶苦溼眠難

村系厚 卷二
勻祝晴枉燕丙丁字鳩猶逐婦泉躍螭豐隆屏翳勢未已農
家閉戶愁艱辛年年賣絲兼賣麥纔得早辦輸丁緡今夏賦
稅何由出俯仰恆歎饑荐臻明日縣官下租帖追呼莫更驚
邨鄰

城東散步

百年風雅盛中吳著作名傳與古俱三徑茗花尋舊圃半莊
紅豆寫新圖匠門屋近論文健秀堊堂深款客娛欲訪林亭
追勝賞荒煙一片盡榛蕪

張上舍

士燦

見餉橋李賦四絕句酬之

家果曾經魯史書近來淨相已無餘偶然畱得徐園種一掐

纖痕驗不虛

茶煙體物最稱工結社書亭酬俱同

暴書亭詩社有分詠構李詩

記得

猿看上樹分箋追和舊時風

先敬堂從祖追和竹翁構李詩富孫等並拈韻分賦

猶憶鴛湖五月時筠籃喜有故人貽

丁巳葛秀才雄圖會惠構李

頻年慣

作他鄉客夢想城隅動渴思

偶值閒居苦暑煩感君分餉重仙根擘肌顆顆甘漿溢縱有

房陵也莫論

題外叔祖徐上舍

林葵

遺照

疇曩盛風雅結廬雲水閒溯洄共谿上吟屐自往還

自演谿先生後

與先世並訂交

先生蘊高抱卓犖違鄉關倚馬草飛檄新詩手增刪

歸來媿農圃十畝曠且閑
愴懷靜不擾蕭然遠塵寰
騎余尚幼穉未省冰雪顏
凋謝悵已久芳躅難追攀
展對欽古貌清癯鬢成斑
猶喜畱素業舊植庭花爛
數椽鄰北垞桑柘一堵環
瞻念今昔意重語寒雨潛

寄懷馬舍人

錦

時寓禾中曹氏園

春帆片影渡鴛湖
暫借名園興不孤
鷺詠煙花三月暮
風流裙屐一時無
題襟真得雪霞趣
刻燭重開主客圖
客歲會寓此園
尺天涯勞夢想
還期汎櫂狎鷗鳧

癸未夏四月暨五七月連值霖潦六七次漲溢隄岸田
均被淹湖郡尤甚蘇松等郡皆然

霖雨連三月河流溢岸隄稻畦俱變壑桑隴盡成谿冷銼驚蛙鼓平橋沒馬蹏江南諸郡邑老幼半飢號

夏霖雨連月河水異漲江浙十餘郡稻田多淹沒秋穫僅三之一飢民滿路中丞帥公

承瀛

令州縣下鄉勸輸

給振感而賦此

連番淫潦盡江湖滿目哀鴻鄭監圖良吏心殷籌發粟長官書上請寬租此離部屋諮應徧嗇縮囷倉勸共輸欣奉恩言宣德意瘡痍纔得一時蘇

重九日吳上舍

應和

徐秀才

紹曾

孟秀才

晁

從弟

遇孫

集飲馬舍人

錦

碧蘿吟館分賦

桐邨秋老臥蓬屋西風瑟瑟振林木客懷澄澹屬白雲疏籬
花放一叢菊主人性本愛嘉賓每對蒼葭望高躅谿頭連日
繫吟船佳節欣逢來不速急掃三徑爲開筵羅削尊酒挹芬
馥分曹鬪飲興自豪無多酌我醉新漉詩家舊例傳題餽拈
韻奈愧兔毫禿翦蠟歡呼意未闌殷勤投轄畱信宿吾儕論
交愜素心相期金石盟幽獨裙屐豈嫌來往頻况復勝引豁
心目咫尺雙峰落眼前蕭蕭黃葉下山麓登高有約踐未能
明年健把茱萸祝卽看四壁滿煙雲共賞孤芳契空谷值茲
良會非偶然還須罄絹寫橫幅

題吳止舍澈川老屋圖

海天渺空闊雲樹鬱蒼茫老屋結秋麓深林懷舊鄉吟看攜
竹杖閒愛抱琴囊乘興沾卮漉何妨醉更狂

謁天香家祠

梅花谿北路縈紆小築寒香入畫圖

石門方處士薰爲
畫寒香小築圖三老

聲名高宇宙一門著述播江湖新祠靜向煙霞關古樹渾忘
歲月徂

祠前有宋
梅一本

文采風流期弗替芳芬長爲薦清醑

峽川阻風訪吳上舍

應和

廿里隄相接沿洄望不賒今朝一風雨此夕宿蒹葭樹杪商
聲怒船頭逆浪斜始知門外路原卽是天涯

咫尺雙峰寺三年枉數過伊人原不遠客夢復如何幸得逢

風雨重教問薜蘿秋蘭香滿室相慰別懷多

馮大令 登府 自閩假旋卻寄

蓬萊偶謫到南閩暫縮銅符越七旬辭卻簿書攜片石栽畱
棠樹蔭斯民天教不作風塵吏人識應閒著述身近值咳蘭
花正放欣看采采及佳辰

題黃上舍 承錫 寫十三經圖

經義久不明經文多舛誤中郎隸書丹迺與史籍避正始三
體宣亦既遭蝕蝨惟唐開成時至今尙完固蜀宋雖缺殘摻
羅資參互俗本龔紕繆傳刻皆抵牾裂齧或作齧無以通訓
故慘燥義各殊元朗猶未喻衛包改古文恭共昧厥詁攢摻

易溷淆尤宜覈古注建相安爲捷沿訛益滋懼凡此雜烏焉

不可盡枚舉我

朝有碩儒相繼踵趨步顧

亭錢汀惠定

東段懋

原堂懋準覃極墳素六書辨豪芒述作陋章句博覽須討探

文字足證據期不乖師法諱正絕依附聖籍從釐定憑見精
靈聚義曜懸古今蔚煥開霽寢獨君衰遺經染翰愜志趣靜
日懷丹槩明窗灑方絮上破許祭酒下參唐元度疑譌準音
訓點畫別戊戌他年棗太學千載庶流布

人日半山道中

吹暖東風又一年朝來霧雨遠連天邨畦挑菜知人日山店
沽春問客船隔岸梅花纔破夢平蕪草色欲含煙嗟余兩鬢

愁添雪尚有征塵未了綠

舟中遇大雪

昨夜東風怒舟行觸逆湍不知春意益復作雪天寒林鳥聲
多凍篷窗響易乾梅花應帶冷問訊隴頭難

訪沈大理維鏞於經訓堂有感

當年問字屐曾畱華屋空存感舊游大雅風流推二老謂雙湖雲
泉兩先生文章著述擅千秋同傷伯道真無柰得見中郎可似不
此是爲君讀書處整籤料有淚難收

題元貞子硯銘拓本後

銘云黃篔樓頭一匣朝昏貯霞
含雲塗寫三千丹篆鶴書不換

鵝羣至正元
年貞居子銘

樵人棲隱三茅洞，學道含真屏鉛汞。
黃篔樓高餐曉霞，蟾蜍滴雨蛟蛇動。
地肺潛通小有天，金龍玉簡古夸傳。
三千丹篆恣塗寫，灑徧壘花柳絳煙。

二月四日馬舍人錦招同吳上舍應和馬秀才德馨織

聖廟晚飯分得千字

一樣慈雲蔭大千，閒來野刹試參禪。
石橋春水添新漲，苔徑松門鎖晚煙。
凍雨難催花信暖，剛風不散磬聲圓。
憑虛小閣堪流憩，蔬筍何妨話靜緣。

春雨同馬舍人錦吳上舍應和作

朝來織霧散輕絲，一任東風卷地吹。
野店帘飄煙溼處，小樓

人聽夢醒時碧添芳草濃難畫雪盡梨花冷未知無計連宵
容遣恨重思話舊隔天涯

多少閒愁未易芟絲絲煙柳麴塵攪谿頭夜漲添新水江上
船來卸遠帆雲樹冷教鶯嬾語香泥溼盡燕難銜襟痕濃滴
傷春酒何日纔堪澣故衫

料峭風寒響易成幾番芳信倍關情賣花深巷無人語沽酒
前邨有展聲學士偶吟歸思遠司勳相對別愁生韶光半過
增惆悵未許青驄陌上行

掩卻柴扉冷不禁江南時節最驚心茅簷花落飄愁思山寺
鐘昏閣遠音小苑多看煙漠漠畫簾不卷晝沈沈海棠滴盡

麝脂淚誰爲憑闌費苦吟

過錢孝廉

青逸

小鑑湖莊

馬場煙月足清幽
浦澈潑潑洄繞碧流
小築半椽吟屋穩也看
風景壓滄洲

占得南湖淺渚瀕
風亭水檻著閒身
知君游想山陰道
狂客無如賀季真

吳上舍

應和

過小桐谿

東風一雨苦連旬
咫尺相思洄溯頻
偶載圖書來訪友
慣投車轄好畱賓
池邊芳草難尋夢

懷伯兄在會稽

谿上梅花未放春
惆悵

悵天涯離別久
聊吟更憶隔江人

謂朱少仙廣文

續方伯洩浙招至署中賦呈二首

杖節縈牽別後顏

方伯由馬蘭鎮總戎調任浙藩

天教重領此湖山召公屏

翰棠千樹杜老情懷屢萬閒霖雨所施霑澤普簿書不礙作

詩閑殷勤相款春風裏憔悴難愁爲盡刪

八瓠書舫記曾過

嘉慶丁巳謝蘇潭中丞爲方伯得晉瓠八頭其齋曰八瓠書舫戊午曾謁方伯於此

今到平津任蒞歌勝日鶯花春澹沱名園草木氣暄和

園爲明右布政莫子良所闢

力扶騷雅論文健分略雲泥話舊多早晚卽

看開幕府之江長得沐恩波

西陵股堰廟

井序

蕭山西興鎮卽古西陵也元至正開江潮衝浚灌入內港爲

山前二巨壑。正楊伯淳差築圩堰久不能就。備受箠笞。妻王氏哀之。割股投水。沙忽盛漲。堰遂以成。越人感其死。立廟祀之名其地曰股堰。後訛爲龍圖廟。乾隆六十年江水南。丹鬻堰鎮人乃呈其事於縣。聿新其廟。是秋潮不爲患。嘉慶元年。撫部疏聞。賜額曰精誠屹衛。賜封號曰烈彰恬顯。大興相國朱文正公作廟碑其烈乃垂曜無窮矣。

潮湧海門來澎湃。聲愈怒。洪濤撼西陵。蕩折民居苦。惟元至正間。築防江之濬。分督楊里正西堰。當塞堵。瀕洞困潭深。蛟鼉恣窟聚。堤埵輒復壞。破產受箠楚。妻心實哀傷。泣禱神。偃僕封臂投潭中。殉身誓死所怪物。蠢有知。遠徙騰霖雨。潭沙

忽驟漲堰成因名股越人感義烈作廟答佑祐胡久訛龍圖
罔識神誰主江水轉崩轟蓄堰勢難禦蚩氓忘其功宐不保
護汝用是重闢揚巍煥新廡宇秋潮爲底平不藉錢王弩靈
蹟特上聞 賜額光劍俎封號再 褒嘉貞靈賁江渚迺
知精衛魂填石恨難補曹娥孝一家比績爲更鉅茲堰鞏金
湯三邑賴捍拒闕今五百年保障億萬戶休烈傳無窮馨香
薦芳醕 天藻喬輝煌廟祀宐終古

馬舍人招同吳上舍

應和

蔣明經

浩

過慕廬分賦

數椽蘿屋倚煙汀偶撥春燒柳外停一徑松楸濃靄滴半園
桃李暮雲肩新添丙舍鍾繇帖舊剩香厨韋母經近海潮聲

疑挾雨蒼茫隱露遠峰青

昨修禊事集吟朋潑墨揮豪各擅能爲惜鶯花春晚晚相攜
裙屐興飛騰開筵得其傾尊蟻鬪韻還教翦蠟鎗不覺惜惜
深夜飲一鉤纖月見睂稜

虞美人

芍藥叢中泣露多丰姿綽約恨春過空畱豔態爲誰舞長使
英雄喚柰何

綠窗

落花飛絮已成團滿院新陰景物闌濃翠撥來珠網重嫩煙
鎖處綺疏寒影分湘簟涼初透夢繞屏山秀可餐更愛鉤簾

當晝永眠琴靜倚碧欄干

題任上舍我負我圖

余不負丞丞負余對樹吟哦耽憩息將軍不負此腹負未有
智慮徒飽食誰能負負可無嗟俯仰不慚守元默何爲身外
復有身引鏡相照同顏色以一幻二現形相擔荷欲藉鈞陶
力是二還一非有殊江湖意氣人共識豪情逸上凌青冥汗
漫萬里恣游陟偶賦歸來應自矜容貌依然鬢髮黑此身任
負真不負惟恐人負或顛踣襟期磊落豁塵氛我我周旋也
自得

夏日喜雨

苦畏炎歊計莫逃
陡然涼雨快周遭
漫天雲勢迷平野
近海風聲挾怒濤
一架松棚聽轉急
半牀筍簟睡偏高
定知頃刻能霑足
處處田疇輟桔槔

題吳上舍谿橋夜月圖

竹榻吟才老
薜蘿聽鴻樓
昨唱酬多羨
君自出源流
遠幾卷

遺書著手摹

君爲鄭竹湖處士外孫遺書多所藏去

居傍谿橋屋半椽
灘邊多泊賣魚船
夜來月色涼於水
添得新詩分外妍

湖寓秋夜聽雨

漫道中秋月經旬
苦雨繁山沈雲氣
涌湖漲水流渾
畦隴生

禾耳沙堤漫艸痕容窗眠未穩愁伴一燈昏

坐雨

寒風苦雨撲簾旌老去傷懷百感生閉戶偶思天下事著書

政附古人名頻年饑饉民彫敝遠徵么膺日蕩平

時西域叛賊張格爾

己就擒浙次蕩平

畢竟問誰知已是只空閒共白漚盟

范觀察

玉璣

借揚明經

鑄

鄔秀才

見訪別後寄懷五

言古一首依韻答之

東君領韶華風雪太饜磨淫雨連十旬皆苦泥汚足凌晨屐
齒聲登然來空谷稀闊勞寤寐相期諧母宿一見語綢繆勤
懇令心肅二子夙所欽才名亞潘陸借訪池上亭差比杜陵

屋雨中同訪

暴書亭

百年想遺風

令先人貞簡先生與竹垞太史迨先徵士公交最契至今隔

珍木故家半宗寥無以謀簞粥多君挹清芬消受湖山福
我瓊瑤音恍如饌叔粟秋水盼雲颿開徑問松筠

上巳日何明經

炳

招同人賞梅花壽康會率賦一律

幾番風信問谿濱寒勒梅花到暮春北海尊開竝上已老人
星聚及良辰攜將杖屨看多健忘卻形骸愛率真未許蓬池
稱勝引丹顏盡入畫圖新

王君松崖擬繪三十一人壽康會圖

四月二日同人續會集蓮西艸堂賞牡丹卽席有伶

續會耆英憶洛陽恰逢婪尾殿餘芳惜開舊徑攜櫻筍重盃
朋簪品紫黃一任李桃消俗豔漫添金粉壓穠香欲將勝賞

留春任白髮酖顏語轉長

聞制府孫公

爾準

計有感

公賜
諡文靖

閩海漲鯨波揚鬢互吞噬蟹觸兼紛爭林莽伏陰壘公承中
丞閱蓬瀛蚤鳳翔磨守泣金沙治績課稱最廉能達宸

聰繡牙恩寵速游陟崇開府一德威孚契皖粵暫移幢望

仍慰雲霓文武賴經緯兩邦重節制風潛化獷頑俗盡起凋

敝洪濤靜不揚漢燧無警駭述職陳嘉謨乘軺駐旌繫膚學

愧設聞相見親光霽殷倦通款曲拂拭振沈滯泱慨志乘疏

按計萃衆藝四庫燦文瀾照耀明湖溢縱令啟香厨芸籤

標次第日披千琳瑯博覽驚淵海恣意勤罔羅撫遺殫緝綴

巡閱臨浙湄契闊勞擁篲枚馬蒞才華韓范裕經濟廣厦敞
萬閒方冀得攸屣俄看隕大星遠邇共霑涕軫愴動 帝
咨酬庸期弗替偉烈著彝鼎鴻勛垂奕世不獨樗散材撫膺
更悲條

重修明楊貞肅公祠

公諱繼宗字承芳山西陽城人天順丁丑進士成化元年以刑部主

事擢知嘉興府憲宗以廉吏問汪直直對曰天下不愛錢者惟楊繼宗一人狂狷九載民愛之如父母超遷浙江按察使終僉都御史巡撫雲南天啟初謚貞肅明史有傳

吾郡三賢守

公後有貴谿徐公盈進賢何公社來守禾澤並著政績

公尤最績良剛方

持政體廉直飭官常風節朝廷重勛名史策藏棠陰傳勝代
遺愛不能忘

祠久嗟積侈重瞻棟宇新
斷鑿規舊制輪奐肅明禋
澄醴酌鴛水芳羹換澗蕨
烝嘗期勿替永業慰斯民

校經廩文集卷第六